

# ALLT FYRIR HEIMILIÐ

FÖSTUDAGUR 30. janúar 2015

## Norræn áhrif

Arndís S. Árnadóttir hefur kynnt sér íslenska hönnunarsögu og segir íslenska húsgagna- hönnun bera mikinn keim af norrænni hönnun. **SÍÐA 2**

## Gera hús að heimili

Selma Rut Þorsteinsdóttir er safnari og fellur fyrir hlutum með sál. Hún segir litla hluti sem hafa merkingu gera hús að heimili. **SÍÐA 5**



MYND/STEFAN

# RISAÚTSALA

BÍLMAGNARAR PRÁÐLAUSIR SÍMAR MP3 SPILARAR BILTÆKI  
FERDATÆKI MAGNARAR ÚTVÖRP

SKÓNVÖRP MYNDAVÉLAR DVD SPILARAR HÁTALARAR BÍLHÁTALARAR HEYRNARTÓL HLJÓMBORD REIKNIVÉLAR  
UPPVOTTAVÉLAR ELDAVÉLAR ÍSSKÁPAR HELLUBORD SAMLOKUGRILL FRYSTIKISTUR OFNAR HRÆRIVÉLAR ÖRBYLGJUOFNAR PVOTTAVÉLAR

MEIRA EN 2000 VÖRUTEGUNDIR MEÐ ÓTRÚLEGUM AFSLÆTTI  
ALLT AÐ 75% AFSLÁTTUR OG ENGIN VÖRUGJÖLD

ÚTSÖLUNNI LÝKUR UM HELGINA

Sjá allt úrvalið á [ht.is](http://ht.is)

KAFFIVÉLAR BLANDARAR PURRKARAR STRAUJÁRN  
VÖFFLUJÁRN RYKSUGUR HÁFAR

 **Heimilistæki**  
[www.ht.is](http://www.ht.is)

OPÍÐ ALLA HELGINA Á SUÐURLANDSBRAUT LAU. 11-16 | SUN. 13-17  
7 VERSLANIR UM LAND ALLT AKRANES • AKUREYRI • HÚSAVÍK • EGILSSTAÐIR • SELFOSS • REYKJANESBÆR • REYKJAVÍK

CASIO Lenco NAD KENWOOD PHILIPS LG Panasonic DENON UNITED BEKO scan willa Melissa Friete elna VESTFROST exido MEDISANA Whirlpool DeLonghi DAEWOO

# Íslensk hönnun bar keim af norrænni

Íslensk innanhússhönnun á sér ekki mjög langa sögu og var varla farið að hanna húsgögn að neinu marki hér á landi fyrr en eftir seinna stríð. Húsgagnahönnuðir fyrri ára voru undir sterkum áhrifum af norrænni hönnun enda flestir menntaðir á Norðurlöndunum.

Íslensk hönnunarsaga hefst á tuttugustu öld en lítill gangur var í henni fyrr en eftir seinna stríð. Þó var kominn vísir að ullariðnaði áður þar sem fram fór einhver frumstæð hönnun. Einnig var einhver hönnun í kringum auglýsingagerð fyrir miðja öldina. Svona lýsir Arndís S. Árnadóttir, innanhússhönnuður og hönnunarsagnfræðingur og höfundur bókarinnar Nútímaheimilið í mótun – fagurbætur, funksjónalism og norræn áhrif á íslenska hönnun 1900-1970, upphafi íslenskrar hönnunarsögu. „Það má segja að fyrstu íslensku hönnuðirnir hafi verið auglýsingateikningar sem fóru utan og lærðu á fjórða áratugnum en eftir seinna stríð jókst áhuginn á hönnun og á sjötta áratugnum fóru margir að læra húsgagnaarkitektúr, flestir þeirra voru þó lærðir húsgagnasmíðir fyrir. Nokkrar konur lærðu þá hýbýlafræði sem var eins konar undanfari innanhússhönnunar. Þó var nú yfirleitt erfitt fyrir þetta fólk að koma verkum sínum á framfæri,“ útskýrir Arndís.

## Sveinn Kjarval var afkastamikill

Helstu verkefni húsgagnaarkitekta þessa tíma voru innréttingar. Lítil hluti þeirrar miklu framleiðslu á húsgögnum sem fram fór hér á landi á

árunum milli 1950 og 1970 var teiknaður af húsgagnaarkitektum. Arndís segir að það sem þó hafi verið teiknað hafi verið vel heppnað og greinilega vandað til verka.

„Sveinn Kjarval er sá hönnuður sem skilur hvað mest eftir sig, að minnsta kosti ef miðað er við það sem hefur varðveist og er varðveitt í Hönnunarsafni Íslands. Íslensk hönnun frá árunum 1950 til 1980 ber mikinn keim af norrænni hönnun. Það kemur ekki á óvart þar sem flestir hönnuðanna lærðu á Norðurlöndum og langflestir í Danmörku. Þeir hafa borið með sér það sem þeir lærðu í skólanum hingað heim og sá stíll hefur óhjákvæmilega síast yfir í íslenska framleiðslu.“

## Stálhúsgögnin vinsæl

Stálhúsgagnagerð var hér áberandi á fjórða og fimmta áratugnum en sú framleiðsla var undir áhrifum frá Bauhaus-skólanum í Þýskalandi. „Bauhaus-skólinn starfaði á þriðja til fjórða áratugnum og fljótlega var farið að framleiða húsgögn úr stálörum um alla Evrópu og hófst snemma hér á landi. Þá þurfti ekki húsgagnasmíði eða arkitekta til að teikna húsgögnin því þetta var meira á sviði vélsmíða og járnsmíða. Þannig tóku þeir líka þátt í að móta

smekk fólks og nútímalega hönnun fyrir heimilin.“

## Miklu hent á haugana

Arndís hefur sjálf haldið til haga húsgögnum sem tilheyrðu foreldrum hennar sem settu saman bú á fjórða áratugnum. „Uppáhaldshúsgagnið mitt er stálstóll sem ég hef átt frá því ég var í menntaskóla. Stóllinn er íslensk smíði frá fjórða áratugnum og hefur verið bólstraður aftur með leðri. Ég hef gaman af því að safna hlutum sem tengjast stálhúsgagnagerðinni. Húsgögnin hafa elst vel, þau eru sterk, krómuð og láta varla á sjá. Það er hins vegar alveg ljóst að miklu af þeim hefur verið hent þó margir hafi lagt sig fram við að safna þessu,“ segir Arndís.

## Afturhvarf til fortíðar

Hún segir að henni og öðrum sem grúski í íslensku hönnunarsögu berist oft beiðni um að greina gripi. Það sé ekki alltaf hægt því íslensk hönnun sé svo oft lík danskri og jafnvel norskri. „Það er mikið af erlendum áhrifum í gangi og stundum erfitt að segja til um uppruna hluta og oft vantar merkingar á smíðisgrip-

Uppáhaldshúsgagn Arndísar er þessi stálstóll en mikið var framleitt af stálhúsgögnum á fjórða og fimmta áratugnum hér á landi. Þau eru notuð enn í dag og finnast víða.



Arndís S. Árnadóttir, innanhússhönnuður og hönnunarsagnfræðingur, segir íslenska hönnun hafa farið vel af stað eftir seinni heimsstyrjöld. MYND/GVA

ina. Einnig var mikið um að verkstæði fóru að framleiða eitthvað í svipuðum dúr og það sem var í tísku og því erfitt að greina hvort eitthvað sé teiknað af hönnuði eða stæling af framleiðslu sem var í gangi.“

Almennur áhugi á hönnun hefur aukist hér á landi síðastliðin tíu til fimmtán ár að sögn Arndísar. „Mér

finnst ánægjulegt að ungt fólk vilji gjarnan nota þessi gömlu íslensku húsgögn frá fjórða, fimmta, sjötta og sjöunda áratugnum. Það er líka gaman að sjá að framleiðsla í dag tekur mið af þessari eldri framleiðslu, húsgögnin eru aftur að verða nettari og það er greinilegt afturhvarf í hönnuninni,“ segir Arndís.

Útgefandi: 365 miðlar ehf., Skaftahlíð 24, s. 512 5000 Umsjónarmaður auglýsinga: Gunnhildur Geira, geira@365.is, s. 512-5036 Ábyrgðarmaður: Svanur Valgeirsson.

**FLÍSAR...TEPPI...PARKET...DÚKAR...FLÍSAR...TEPPI...PARKET...DÚKAR...FLÍSAR...TEPPI...PARKET...DÚKAR...FLÍSAR...TEPPI...**



# ÚTSALA

Verðdæmi:

Tarkett viðarparket eik 3 stafa kr. 3990.- m<sup>2</sup>

Filtteppi kr. 598.- m<sup>2</sup>

Teppi og dúkar 25-70% afsláttur

Skipadreglar kr. 1485.- m<sup>2</sup>

Gegnheilir Tarkett vinyldúkar frá kr. 2675.- m<sup>2</sup>

**Þúsundir fermetra af flísum með  
20%-70% afslætti**

**og nú öll gólfefni án vörugjalda**



**ALFABORG**

Skútuvoði 6 - Sími 568 6755

**PARKET...DÚKAR...FLÍSAR...TEPPI...PARKET...DÚKAR...FLÍSAR...TEPPI...PARKET...DÚKAR...FLÍSAR...TEPPI...PARKET...DÚKAR...**

# Innbúið á einum stað

Það er stórt skref að flytja í nýja íbúð, sérstaklega þegar flutt er að heiman í fyrsta skipti. Þótt eitthvað hafi verið hugað að því að safna í „búið“, þá er fljótt að tínast til á listann yfir húsgögn, heimilistæki og borðbúnað sem þarf á nýja heimilið. IKEA hefur nokkra sérstöðu að því leyti að þar er hægt að fá nánast allt fyrir heimilið í einni ferð, allt frá innréttingum og stærri húsgögnum niður í matinn í kælikápinn.

## Falleg gæðahönnun á góðu verði

„Við leggjum áherslu á að bjóða hentugan húsbúnað fyrir hvers kyns aðstæður. Fólk sem er að flytja að heiman í fyrsta skipti eða hefja fyrstu sambúðina á yfirleitt eitthvað inn á nýja heimilið en annað þarf að kaupa. Það getur reynt vel á budduna að hefja heimilishald og þess vegna bjóðum við upp á hagkvæma valkosti. Það ættu sem flestir að geta fundið eitthvað við sitt hæfi“, segir Birna Magnéa Bogadóttir, sölustjóri hjá IKEA. Dæmi um sívinsælar gæðavörur sem eru á sérstaklega góðu verði nefnir Birna KALLAX-hillurnar og MALM-kommóðurnar, enda vandfundnið það heimili sem ekki skartar öðru hvoru. „Eins fást borðbúnaðarpakkar með öllu því nauðsynlegasta, pottasett og eldhúshöld á frábæru verði, sem sinna grunnþörfum í hverju eldhúsi.“ Birna segir í raun hægt að fá allt það nauðsynlegasta í hvaða herbergi heimilisins sem er. „Hvort sem þarf að kaupa sængur, handklæði, lampa eða sjónvarpsbekk, þá er úrvalið og verðið alltaf þannig að það ætti að vera auðvelt að koma sér upp fallegu heimili á hagkvæman hátt.“

## Verslunin veitir innblástur

Flestir leggja metnað sinn í að gera heimilið sem notalegast og það felst ekki síst í að nota aukahluti og smávörur til að setja punktinn yfir i-ið og gera það persónulegt. Ef þörf er á innblæstri er heimsókn í IKEA tilvalin til að fá góðar hugmyndir. Þar eru raðir af uppsettum herbergjum, og jafnvel heilum íbúðum, sem hæfileikaríkir hönnuðir verslunarinnar hafa innréttað af sinni alkunnu snilld. „Á nokkrum stöðum í versluninni er búið að setja upp herbergi þar sem sýnt er hvernig hægt er að nota ýmsar hagkvæmar lausnir sem við bjóðum upp á, og þar er til dæmis búið að setja upp hagkvæmar eldhús- og baðinnréttingarnar. Það kemur fólki iðulega á óvart hvað hægt er að gera mikið fyrir lítið, án þess að slá af kröfum um gæði og fallega hönnun“, segir Birna. „IKEA hefur lagt metnað sinn áratugum saman í að finna lausnir á góðu verði þannig að sem flestir geti notið þeirra. Dæmi um slíkt er nýstárleg notkun á hráefni, snjallar pökkunaradferðir og hagkvæm framleiðsla. Það er þó ekkert slegið af öryggiskröfum og allar vörur þurfa að standast ströng gæðapróf.“

## Vel nýttir fermetrar stækka heimilið

Þróunin á heimsvísu hefur verið að byggð hefur orðið þéttari og fermetrunum á meðalheimilinu fer því frekar fækkandi en fjölgandi. Hérlandis tíðkast frekar stór heimili miðað við víða annars staðar, en þó er fólk farið að huga betur að góðu skipulagi og snjöllum lausnum sem nýta plássid sem allra best. IKEA hefur skapað sér nokkra sérstöðu á því sviði og að sögn Birnu er mikið lagt upp úr góðu skipulagi hjá IKEA og þar ættu viðskiptavinir að geta fundið góða lausn á flestum vandkvæðum tengdum plássleysi. „Það þekkjast það flestir að finnast plássid alltaf fara minnkandi þannig að heimilið fyllist. Það er þó ótrúlegt hvað gott skipulag getur áorkað miklu og á litlu heimili gegnir það lykilhutverki í að halda því snyrtilegu og stílhreinu þótt plássid sé af skornum skammti.“



„IKEA hefur lagt metnað sinn áratugum saman í að finna lausnir á góðu verði þannig að sem flestir geti notið þeirra,“ segja þær Auður Gunnarsdóttir, Aldís Axelsdóttir og Birna Magnéa Bogadóttir, sölustjórar IKEA. MYND/GVA



“Fólk sem er að flytja að heiman í fyrsta skipti eða hefja fyrstu sambúðina á yfirleitt eitthvað inn á nýja heimilið en annað þarf að kaupa. Það getur reynt vel á budduna að hefja heimilishald og þess vegna bjóðum við upp á hagkvæma valkosti.”





„Öll þekktustu vörumerkin eru á einum stað,” segir Þorvaldur Þorvaldsson, vörustjóri heimilistækja hjá ELKO.

# Spennandi tímar án vörugjalda

Finna má öll þekktustu vörumerkin í raftækjum í verslunum ELKO í ótrúlegu úrvali. Verslunin hefur alla tíð lagt mikla áherslu á lágt verð. ELKO býður upp á 30 daga verðvernd, rúman skilarétt og sveigjanlega greiðslumöguleika sem henta mörgum viðskiptavinum mjög vel.

**E**LKO er stærsta raftækja-verslun landsins og hefur verið leiðandi á sínu sviði hér á landi frá því hún opnaði fyrstu verslun sína árið 1998. Verslunin hefur alla tíð haft það markmið að bjóða þekkt vörumerki raftækja en tryggja um leið lágt verð, að sögn Þorvaldar Þorvaldssonar, vörustjóra heimilistækjadeildar.

„Aðalsmerki okkar hefur alltaf verið gott úrval þekkra vörumerkja á lágu verði og nú lækkar það enn frekar með afnámi vörugjalda um síðustu áramót. ELKO selur öll þekktustu og vönduðustu vörumerkin í raftækjum, til dæmis Miele, Siemens, ASKO, Samsung, Witt, LG, Bosch, AEG, Electrolux, Gorenje, Whirlpool og Hotpoint.“

Það er ekki bara fjöldi þekkra vörumerkja sem einkennir úrvalið í ELKO heldur geta viðskiptavinir líka valið úr miklu úrvali innan hvers vöruflokks að sögn Þorvaldar. „Við eru til dæmis með um 120 gerðir af kæli- og frystitækjum fyrir allar stærðir heimila og fjölskyldna. Verslanir okkar bjóða upp á um 50 gerðir af þvottavélum, 50 gerðir af uppþvottavélum og 30 gerðir af þurrkurum svo nokkur dæmi séu nefnd. Það ættu því flestir að finna eitthvað við sitt hæfi í verslunum okkar. Ef þörf er á raftæki á góðu verði er óvída meira úrval en í ELKO.“

Viðskiptavinum stendur einnig til boða að kaupa sérstaka tryggingu til þriggja, fjögurra eða fimm ára gegn ófyrirséðum áföllum og þær taka einnig við þegar ábyrgð lýkur á meðan tryggingin er í gildi. „Öll þjónusta við tækin sem við seljum fer svo fram á sérhæfðum verkstæðum sem kapp-

kosta að leysa öll þau mál sem upp kunna að koma bæði fljótt og vel.“

## 30 daga verðvernd

Verslanir ELKO bjóða einnig upp á allt að tólf mánaða vaxtalausar raðgreiðslur, 30 daga verðvernd og 30 daga skilarétt á keyptum vörum. „Vaxtalaus greiðslurnar eru í samstarfi við Borgun og þær auðvelda viðskiptavinum að fjármagna dýrari kaup. Lánin bera 3,5% lántökukostnað og 390 kr. gjald fyrir hverja afborgun en þetta greiðslufyrirkomulag hentar mörgum vel.“

Ef viðskiptavinur finnur sömu vöru ódýrari annars staðan en hjá ELKO innan 30 daga frá kaupum getur hann fengið mismuninn endurgreiddan. „30 daga verðverndin nær til allra vara nema annað sé sérstaklega tekið fram og gildir gagnvart hefðbundnum verslunum á Íslandi.“

Viðskiptavinir geta alltaf skilað vörum innan 30 daga óski þeir eftir því segir Þorvaldur. „Einungis þarf að framvísa ábyrgðarskírteini eða kaupnótu við skilin og ekki er skilyrði að varan sé ónotuð. Hún þarf þó að vera í upprunalegu ástandi við skilin.“

ELKO rekur þrjár verslanir á höfuðborgarsvæðinu, verslun í Flugstöð Leifs Eiríkssonar auk frábærrar vefverslunar á [www.elko.is](http://www.elko.is). „Viðskiptavinir geta þar skoðað vöruúrvalið í ró og næði og annað hvort klárað kaupin í verslunum okkar eða í vefversluninni sjálfri. Ekki spillir svo fyrir að heimsending á stórum tækjum úr vefverslun kostar aðeins 4.995 kr. hvert á land sem er.“

Allar nánari upplýsingar um gott vöruúrval ELKO má finna á [www.elko.is](http://www.elko.is).



Þvottavélar eru stærsti vöruflokkurinn í verslunum ELKO.



Kæli- og frystitæki við allra hæfi í ELKO.



Allar ryksugur í ELKO uppfylla nýjustu staðla.

# NÚ ER TÍMINN TIL AÐ ENDURNÝJA STORU TÆKIN!


Miele SIEMENS SAMSUNG Electrolux  
witt LIEBHERR ASKO LG BOSCH AEG  
Whirlpool Hotpoint gorenje ZANUSSI GRAM




- ENGIN VÖRUGJÖLD
- VAXTALAUS LÁN
- 30 DAGA VERÐVERND



GRANDI-LINDIR-SKEIFAN-VEFVERSLUN  
PANTAÐU Í SÍMA 575-8115 SKIPTIBORÐ ELKO 544-4000 WWW.ELKO.IS




Teikningar og myndir prýða stigaganginn.



Björt og hlýleg borðstofan skartar bleikum blómum og bleikum kertum en Selma safnar bleikum aukahlutum.



Selma er safnari í sér og segist óvart hafa farið að safna vösum.



Teikningarnar eftir krakkana hanga á vegg á leið upp í risið.



„Tekkstólinn keypti ég á netsölunni Normu á slikk og tekkskápin keypti ég á netsölunni Mublum og lét flytja með Landflutningum frá Akureyri og fannst afar fullorðinslegt.“



Sófaborðið er eftir Magna Kristjánsson, mág Selmu, en hann hannar og smíðar undir heitinu Skegg.



Fjölskyldumyndirnar í svörtum rómrum setja svip á stofuna.



Stóri fransk stofuglugginn setur mikinn svip á stofuna. Selma hefur ráðað litlum smáhlutum í einn gluggann.

## Kitch með sögu og sál

Selma Rut Þorsteinsdóttir, hönnunarstjóri hjá PIPAR, býr í bjartri íbúð ásamt fjölskyldunni. Hún er safnari og fellur fyrir hlutum með sál og litlum styttum sem hún laumar um íbúðina. Hún segir litla hluti með merkingu fyrir íbúana sé það sem geri hús að heimili.

**H**ann er frekar blandaður, gamall og nýr, litríkur en líka einfaldur og stundum svolítið kitch,“ segir Selma Rut Þorsteinsdóttir, hönnunarstjóri á auglýsingastofunni PIPAR/TBVA, um stílinn heima hjá sér. „Ég elska fallega gamla hluti, ekki er verra ef þeir eru með sögu eða sál og svo er hönnunarhjartað alltaf veikt fyrir góðri hönnun. Annars er maðurinn minn frekar mínímalískur, á meðan ég er mikill safnari. Ég virðist óvart safna að mér vösum og alls kyns bleikum aukahlutum. Ég elska líka pínkulitla hluti; stytur, skrípla o.p.h. og lauma þeim hér og þar um íbúðina.“

### Áttu þér uppáhaldshönnuð eða uppáhaldstímabil í hönnunarsögunni?

Ég uni mér ágætlega í sextís-tímanum í bland við nútímann og slægi ekki hendinni á móti gömlu, jafnvel smá sjúskuðu Eggi úr leðri frá herra A. Jacobsen. Hins vegar þykir mér líka voðlega vænt um nýjasta húsgagnið, sófaborð úr hnotu, sem mágur minn, Magni Kristjánsson, er að hanna og smíða undir nafninu Skegg. Ég hef mikla trú á honum

í húsgagnasmíðinni í framtíðinni.“ Selma býr í bjartri íbúð og segist strax hafa fallið fyrir frönsku gluggunum. Stóri stofuglugginn setur mikinn svip á íbúðina. „Það er alltaf jafn gaman að horfa út um stóra gluggann í stofunni og ekki verra að það er hægt að setjast í gluggakistuna. Það er líka lúmskt kósý uppi hjá sonum mínum í risinu, sérstaklega í rigningunni,“ segir Selma.

### Hvað gerir heimili að heimili í þínum huga?

„Fyrir utan það að allir þurfa að geta búið þar og notið sín þá eru það litlu hlutirnir sem hafa merkingu fyrir íbúana. Hekluðu dúkarnir hennar mömmu, myndir barnanna, heimasníðuðu hlutirnir og í raun samsafn stíla. Ég held að það sé varasamt að kaupa sér heilt innbú á of stuttum tíma, það verður hugsanlega ekki nógu persónulegur stíll. Það hefur a.m.k. hentað mér best að bæta í hægt og rólega og frekar skipta út öðru við og við. Fara með poka í Sorpu, koma svo við í Góða hirðinum á leiðinni heim og bæta í safnið.“

# ÚTSÖLULOK

29. JANÚAR – 4. FEBRÚAR



**BOSTON SKEMILL**

Stærð: 90x72xH45 cm.

Áður 49.900,- **NÚ 34.930,-**



**BOSTON TUNGUSÓFI** Stærð 2,78 x 97 x 170 x H66 cm. Áður 279.900,- **NÚ 195.930,-**

## 30% AFSLÁTTUR AF BOSTON SÓFUM

## 20% AFSLÁTTUR AF ÖÐRUM VÖRUM

**NÝ HEIMASÍÐA – GLÆSILEGT VÖRUÚRVAL  
WWW.PIER.IS**

**ÞAÐ HEFUR ALDREI VERIÐ  
AUÐVELDARA AÐ VERSLA  
Á NETINU WWW.PIER.IS**

the  
**PIER**

**SNIDUGT**

**Áttu gamalt** matarstell eða staka diska sem þér þykir vænt um en finnur ekki not fyrir? Hér er hugmynd sem fengin er að láni hjá netversluninni bhldn.com.

Glasi eða skál á fæti snúið á hvolf og diskurinn límdur við fótinn með góðu glerlími. Það er alls ekki síðra ef allt er af sitthvorri sortinni eins og á meðfylgjandi mynd. Ennþá betra ef glösin eru mishá endað flott þegar misháum diskum er stillt upp saman. Diskana má svo nota til að bera fram hvers kyns góðgæti. Þeir eru líka flottir undir kerti, skart eða skraut.

**MÁLAD MEÐ SÚRMJÓLK**

Þegar löngunin til að breyta til á heimilinu læðist aftan að fólki er auðveld og ódýr lausn að nota súrmjólk til að mála glugga með. Hugmyndin hljómar ef til vill ekki vel en engin lykt er af súrmjólkinni eftir að hún þornar.

Súrmjólkinni er hellt í málningarbakka og hún látin standa þar í nokkra klukkutíma. Þetta er gert svo vatnið í henni gufi upp og fituhlutfall hennar aukist. Síðan er málningarrúllu dyft í súrmjólkina og rúllað á rúðuna í jöfnu lagi. Þegar súrmjólkinn þornar á rúðunni hættir hún að vera gegnsæ eins og hún er í byrjun.

Til að þrifa súrmjólkina af rúðunni er best að nota heitt vatn og sápu. Ekki ætti að mála rúðurnar þegar sólin skín á þær eða þegar frost er úti.

## Heimatilbúnir ilmgjafar

Gaman er að bjóða gestum heim þegar heimilið lyktar vel. Ýmsir tilbúnir ilmgjafar eins og ilmkerti og reykelsi geta hins vegar vakið ofnæmisviðbrögð hjá sumum auk þess sem þau lykta oft fremur gervilega. Hér er dæmi um tvo heimatilbúna ilmgjafa sem fríska upp á andrúmsloftið.

**Rósmarín og sítróna**

Fyllið 2/3 af litlum potti með vatni. Skerið niður eina sítrónu í sneiðar og bætið út í vatnið ásamt nokkrum rósmaríngrænum. Bætið hálfri teskeið af vanilludropum út í. Látið malla á lágum hita allan daginn. Þannig mun allt heimilið fyllast af himneskum ilmi. Hægt er að nota sömu blöndu í tvo daga en eftir það þarf að skipta um.

Fín leið til að fríska upp á heimilið til dæmis ef afmæli eða aðrar veislur standa fyrir dyrum.

**Ilmtré**

Auðvelt er að búa til sína eigin ilmkubba eða -kúlur úr tré. Hægt er að verða sér úti um trékúlur eða trékubba í ýmsum fönður-búðum eða einhverju álíka. Síðan þarf að velja ilm-olíu sem hugnast viðkomandi en þær geta jú verið ansi mismunandi. Notið pensil til að pensla olíunni á kubbanu. Setjið þá síðan í lokað ílát með smá aukaolíu í botninum. Hristið ílátið til að olían dreifist jafnt á kubbanu. Látið biða yfir nótt þar til viðurinn hefur dregið allan vökvann til sín.

Nú má stilla kubbum eða kúlunum upp þar sem þær eiga að vinna sína vinnu. Þegar viðurinn er farinn að tapa lyktinni má endurtaka ferlið.

# MAX ÚTSALA

ALLAR VÖRUR  
Á LÁGMAX  
VERÐI!

max.is

## ÚTSÖLULOK UM HELGINA

MAX ÚTSALAN ER Á FULLU!

Stærri en nokkru sinni fyrr með lægri VSK og fullt af vörum nú án vörugjalda!

## ÚTSÖLULOK UM HELGINA

Sjá allt úrvalið á max.is

Opið mán. - fös. kl. 11-19  
Laugardaga kl. 11-18  
Sunnudaga kl. 12-18

SÍMI 412 2200

BEINT Á MÓTI IKEA